



TOSHKENT DAVLAT YURIDIK UNIVERSITETI REKTORINING BUYRUG‘I

11.12.2024

907-tm-son

Talabalarga hayfsan intizomiy jazo chorasi qo‘llash to‘g‘risida

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma‘naviy-axloqiy tarbiyalash, ularning huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2024-yil noyabr oyida universitetning Ommaviy huquq fakulteti tomonidan fakultet talabalari o‘rtasida universitet Odob-axloq kodeksi normalari va Ichki tartib qoidalariga amal qilish holati o‘rganilganda, 4-kurs Davlat va jamiyat boshqaruvi yo‘nalishi talabalari Boltaboyev Xayrulla O‘ktamboy o‘g‘li va Xusanov Arabjon Zoyirjon o‘g‘li 2024-yil 15-noyabr kuni dars jadvaliga muvofiq Nodavlat notijorat tashkilotlar huquqi modulidan ma‘ruza dars mashg‘uloti davomida o‘qituvchining ruxsatsiz telefondan foydalanib, darsga taalluqli bo‘lmagan narsalar bilan shug‘ullanib, shaxmat mobil o‘yinini o‘ynab, dars mashg‘ulotlariga e‘tiborsiz o‘tirganlik holati aniqlangan.

Talaba X.Boltaboyev tomonidan ushbu holat bo‘yicha tushuntirish xati olinganida, haqiqatdan ham dars mashg‘uloti paytida tegishli modulga aloqador bo‘lmagan narsalar bilan shug‘ullanib o‘tirganligini va o‘qituvchi ruxsatsiz telefondan foydalanganini tasdiqlab, qayta takrorlamasligini bayon etgan. Vaholanki, mazkur talabaga 2024-yil 23-oktabr kuni universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o‘rnatilgan tartib-qoidalariga takroran amal qilmasa tegishli tartibda “hayfsan” intizomiy jazo chorasi qo‘llanilishi mumkinligi to‘g‘risida ogohlantirilgan.

Talaba A.Xusanov tomonidan ushbu holat bo‘yicha tushuntirish xati olinganida, talaba mazkur holatni tasdiqlab, qayta takrorlamasligini bayon etgan. Vaholanki, mazkur talabaga 2024-yil 15-noyabr kuni universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o‘rnatilgan tartib-qoidalariga takroran amal qilmasa tegishli tartibda “hayfsan” intizomiy jazo chorasi qo‘llanilishi mumkinligi to‘g‘risida ma‘lum qilingan.

Shuningdek, 4-kurs Davlat-huquqiy faoliyat yoʻnalishi talabasi Xolmurodov Jasurbek Ikrom oʻgʻli 2024-yil 21-noyabr kuni dars jadvaliga muvofiq Nodavlat notijorat tashkilotlar huquqi modulidan maʼruza dars mashgʻuloti davomida oʻqituvchining ruxsatisiz telefonda foydalanib, darsga taalluqli boʻlmagan narsalar bilan shugʻullanib, telefonda gaplashib dars mashgʻulotlariga eʼtiborsiz oʻtirganlik holati ushbu fan oʻqituvchisi G.Fayziyeva tomonidan berilgan bildirgisi asosida aniqlangan.

Talaba J.Xolmurodov 21-noyabr kuni Nodavlat notijorat tashkilotlar huquqi moduli dars mashgʻulotlari vaqtida uyali aloqa vositalaridan foydalanish barcha uchun qatʼiyan taqiqlanishi, pedagog xodimlar tomonidan dars jarayoni bilan bogʻliq yoki uzrli holatlar bundan mustasnoligi talablariga rioya qilmagan holda uyali aloqa vositalaridan foydalanganligi yuzasidan talabaga kelib tushuntirish berish soʻralganda tushuntirish berishdan bosh tortganligi sababli dalolatnoma rasmiylashtirilgan.

Talaba X.Boltaboyev, A.Xusanov va J.Xolmurodov mazkur harakati bilan TDYU Odob-axloq kodeksi 21-moddasi, 27-moddasining 8 va 12-bandi talablarini buzgan.

Shuningdek, 4-kurs Davlat-huquqiy faoliyat yoʻnalishi talabasi Oʻsarov Firdavs Ulugʻbek oʻgʻli 2024-yil 11-noyabr kuni Universitet hududida tamaki mahsuloti istemol qilganlik holati aniqlandi.

Talaba F.Oʻsarov tomonidan 2024-yil 11-noyabr kuni Universitet hududi yaqinida tamaki mahsuloti istemol qilganlik holati yuzasidan tushunarsiz yozib berilgan tushuntirish xatini qayta tushunarli qilib yozib berilishi soʻralganda, tushuntirish berishdan bosh tortganligi sabab dalolatnoma rasmiylashtirilgan.

Mazkur talabaga 2024-yil 28-oktabr kuni universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda oʻrnatilgan tartib-qoidalarga takroran amal qilmasa tegishli tartibda “hayfsan” intizomiy jazo chorasi qoʻllanilishi mumkinligi toʻgʻrisida maʼlum qilingan.

Talaba F.Oʻsarov mazkur harakatlari bilan TDYU Odob-axloq kodeksi 17-moddasi toʻqqizinchi xatboshisi talablarini buzgan Yuqoridagilarni inobatga olib, Oliy taʼlim toʻgʻrisidagi nizom (roʻyxat raqami 1222, 2003-yil 22-fevral)ning 51-bandi, universitet Odob-axloq kodeksi 21-moddasi, 17-moddasi toʻqqizinchi xatboshisi, 27-moddasi toʻqqizinchi xatboshisi hamda Toshkent davlat yuridik universiteti Ichki tartib qoidalar (ichki mehnat tartibi qoidalar)ning 83-bandi va Ommaviy huquq fakulteti dekani bildirgisiga asosan

BUYURAMAN:

1. Universitet Ommaviy huquq fakulteti 4-kurs talabalari Boltaboyev Xayrulla Oʻktamboy oʻgʻli, Xusanov Arabjon Zoyirjon oʻgʻli, Oʻsarov Firdavs Ulugʻbek oʻgʻli va Xolmurodov Jasurbek Ikrom oʻgʻliga hayfsan intizomiy jazo chorasi qoʻllanilsin.

2. Ommaviy huquq fakulteti dekanati:

mazkur buyruq bilan qoʻllanilgan intizomiy jazo chorasini talabalar oʻrtasida

shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralarini ko'rsin.

ushbu holat va shu kabi qoidabuzarlik mazkur talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

A.TOJIBOYEV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Direktor

SH.PO‘LOTOV



Katta yuriskonsult

A.TURSUNOV

